

Dževad Rađo
Zastupnik SBB BiH

BOSNA I HERCEGOVINA
FEDERACIJA BOSNE I HERCEGOVIN
KANTON SARAJEVO
SKUPŠTINA KANTONA SARAJEVO
n/r Ministarstva privrede KS

Sarajevo, 02.10.2017. godina

ZASTUPNIČKO PITANJE

Nakon što sam i ranije postavljao pitanja u vezi KJP "ZOI 84" i na osnovu stanja koje se nije mnogo promijenilo u tom preduzeću, imam potrebu da opet reagujem, te ministarstvu privrede KS i menadžmentu ZOI postavljam slijedeća pitanja :

- Šta je sa izmirenjem nefakturisanih obaveza ? Tačkom 4.1 Program sanacije, na strani 46. (Službene novine KS br. 51/13) nefakturisane obaveze su uključene u program sanacije u iznosu od 1.283.881 KM. Od navedenog iznosa iz sredstava dugoročnog kredita izmiruje se 199.301 KM ovih obaveza, iz ostalih izvora 251.637 KM i reprogramira se do sticanja uslova za izmirenje ostalog dijela. Dosljedom primjenom Programa sanacije iz dugoročnog sanacionog kredita moguće je bilo izmiriti samo 16 % ovih obaveza što iznosi 199.301,00 KM.
- U Programu sanacije na stranici 58 pod tačkim 5.4.2 Strateško – razvojni ciljevi 2013 – 2015 stoji da će od jula do kraja godine izvršiti korekcija plaća najniže za 20 % i da se u 2014. godini vraća osnovica koja je bila u julu iz 2013.godine. Od 2015 do danas uveden je minimalac od 400 KM što čime su radnici nezadovoljni te sve više svoja prava traže sudskim putem, dakle ključni problem predstavlja minimalac iako uposlenici, naručito u vrijeme sezone zaslužuju plate po ugovoru o radu.
- Šta je sa sistematizacijom radnih mjesta, da li je tačno da je sistematizacija radnih mjesta urađena već četiri puta s ciljem dovođenja novih uposlenika po rodbinskoj ili prijateljskoj vezi a za koje je kantonalna inspekcija utvrdila i djelovala izdavanjem prekršajnih naloga ?

- Reviziju je radila revizorska kuća Consida iz Banja Luke, umjesto da to rade institucije Federacije BiH. Izvještaj je namješten u prilogu pitanja (mišljenje revizora sa rezervom), i Prilogom dio Službenih novina. Kredit od 8 miliona KM nije raspoređen kako je to predviđeno sanacionim planom koji je objavljen u Službenim novinama br.51 od 31.12.2013 godina. Spisak obaveza po vrstama objavljenim u Službenim novinama se ne slažu sa spiskom obaveza kojih se trebala pridržavati firma. Sporne su tačke 5,6,17 i tačka 22. kojih uopšte nema u sanacionom planu. Tu je na račun firme iz kreditnih sredstava uzeto cca 600.000 KM. Obaveze prema radnicima se ne ispunjavaju i ne uplaćuju se doprinosi.
- Šta je sa izvještajima internog revizora i mišljenjem da u 2017. godini nedostaje veliki broj dana u pogledu finansijskih izvještaja sa Bjelašnice i Igmana da li to ukazuje na utaju poreza i prometa ?
- Radnici i sindikat firme su u više navrata upozoravali na narušenu bezbjednost u firmi. One koji su upućivali na sigurnosne problem, direktor Hubijar je mijenjao rješenja, smjenjivao ili davao otkaze. Tako je još 04.12.2014 godine od rukovodioca Službe unutrašnje zaštite obavješten o kvaru na sistemu vatrodajve. Direktor je dozvolio da se u dvorani J.A. Samaranch kompleks Zetre održavaju koncerti i druge javne manifestacije time je svjesno ugrozio živote posjetilaca i uposlenih

Šta je sa Služnom sigurnosti ZOI-a , imamo informaciju da se ukida, i da se certificirani radnici obezbjeđenja raspoređuju na druga radna mjesta, a menadžment angažuje privatnu agenciju za usluge fizičkog obezbjeđenja koju kontinuirano plaća od 2015.godine ?

Molim pisani odgovor.

Zastupnik SBB BiH
mr. Džeyad Rado